

# Powšitkowne WOZJEWJENJA

njedźelu, 12. oktobra 2025

## **Naprašnik hač do tuteje njedźele wotmołwić**

Prosmy wšitkich čitarjow Katolskeho Posoła, zo bychu hač do tuteje njedźele, 12. oktobra, naprašnik k časopisej wupjelnili. We wudaću před tydzenjomaj běše k tomu łopjeno zapołożene. Jeli trjebaće wjace tajkich formularowych łopjenow za dalše wosoby w swójbje, móžeće sej je kopěrować abo z internetoweje strony Katolskeho Posoła [www.posol.de](http://www.posol.de) wučišćeć. Wotmołwy móžeće anonymnje redakciji na adresu Katolski Posoł, Póstowe naměsto / Postplatz 2, 02625 Budyšin / Bautzen pósłać abo na farje swojeje wosady do listoweho kašćika tyknyć. Na tele prašenja móžeće tež online pod [www.posol.de](http://www.posol.de) wotmołwić, štož nam džěło při wuhódnoćenju wolóži. Tule podaty qr-code na samsnu stronu wjedže. Prosmy wo to, zo byšće sej něhdže džesać mjeńšin chwile wzali. Čim wjace ludźi wotmołwi, čím lěpje so powšitkowne měnjenje wotbłyšćuje. Skónčnje móžemy tež waš časopis Katolski Posoł – dalokož so hodži – polěpšić. redakcija Katolskeho Posoła

## **Procesion ze swěčkami k Braniborskim wrotam**

Towarstwo Deutschland dankt Maria přeprošuje, wobdźělić so pónđzelu, 13. oktobra, w 17.30 hodž. na Božej mši z japoštołskim nunciusom dr. Nikolu Eterovićom a po tym na mjeztym štwórtym Fatimskim procesionje ze swěčkami. Kemše budu w Berlinskej cyrkwi swjateho Clemensa, Stresemannstraße 66. W 19.00 hodž. přizamknje so swěčkowy procesion z kopiju postawy Fatimskeje maćerje Božej k Braniborskim wrotam. Při tym chcedža so swjaty růzowc modlić, swjatej Mariji so džakować a wo jeje zastupnistwo za měr a pokoj prosyć. Na tym wobdźěla so wěriwi ze wšjeje Němskeje.

## **Mandźelske seminary**

Seminar k přihotej na sakrament mandželstwa wotměje so wot pjatka do soboty, 28. do 29. nowembra, w Smochčanskim kubłanišću swjateho Bena. Přizjewjenja přijimuje Dekanatne dušepastyrstwo młodžiny we Worklecach, online. Tam su tohorunja hižo přizjewjenja za klětušej terminaj samsneho seminara móžne. Wonej stej stajnje wot pjatka do soboty, 27. do 28. februara, kaž tež 27. do 28. nowembra, planowanej. Link k tomu je pod [www.posol.de](http://www.posol.de) podaty.

## **Jako družka na putnikowanje do Roma**

Družki ze serbskich wosadow, kotrež noša postawu swjateje Marije do Róžanta, su na zhromadnu putniku jězbu z busom do Roma přeprošene. Putnikowanje wotměje so klětu w přěnim tydzenju zymskich prózdnin, a to wot njedźele do soboty, 8. do 14. februara. Wobdźělnikow wočakuja mjez druhim wopyt Pětroweje cyrkwe, Watikanskich muzejow a katakombow, generalna awdienza z bamžom Lejom XIV. kaž tež Boža mša z Drježdžansko-Mišnjanskim biskopom Heinrichom Timmereversom. Sobu jěć smědža wšitcy, kiž su 14. žiwjenske lěto dokónčili. Přinošk na družku kaž tež hotowańću wučinja 650,00 eurow. Biskopstwo jězbu tohorunja podpěruje. Přizjewjenja přijimuja hač do štwórtka, 30. oktobra, na Chróšćanskej farje.

## **Prěnjowoprawjenske džěci přeprošene**

Wšitke džěci, kotrež so na přenje swjate woprawjenje přihotuja, su na zhromadny džen do Njebjelčic přeprošene. Tón budže srjedu, 19. nowembra, wot 9.00 do 15.00 hodź. Započatk je z Božej mšu w cyrkwi. Zajimcy njech so hač do pjatka, 1. nowembra, pod [www.posol.de](http://www.posol.de) přizjewja. Swójski přinošk na wobdźelnika wučinja pjeć eurow.

## **Nowy rjad zarjadowanjow w klósterskej kofejowni**

Kofejownja swjateho Michała w klóštrje Marijinej hwězdze w Pančicach-Kukowje zahaji sobotu, 18. oktobra, w 16.00 hodź. nowy rjad zarjadowanjow „Přijomnosć & kultura“. Rjad zwjazuje rozmołwy z wosobinami, knižne předstajenja a pućowanske rozprawy z kulinariskimi poskitkami. Na přnim zarjadowanju budže direktor Drježdžanskeho Zeleneho wjelba Statnych wuměłstwowych zběrkow dr. Marius Winzeler z hosćom. W srjedzišću steja stacije jeho powołanskeho wuwica kaž tež jeho zwisk ke klóštrej Marijinej hwězdze. W zastupnej plaćiznje 25 eurow su kulinariske poskitki zapřijate. Lisćiki móža sej zajimcy jeničce w klósterskej pjekarni a tamnišej kofejowni, telefonowe číslo (03 57 96) 9 94 43, kupić. Ličba městnow je wobmjezowana.

## **Prapremjera w Radworskej „Meji“**

„Won do swěta – Auf in die Welt“ rěka nowy dźiwadłowy kruch Budyskeho Němsko-Serbskeho ludoweho dźiwadła, kotryž sobotu, 18. oktobra, w 19.00 hodź. w Radworskim hosćencu „Meja“ prapremjernje předstaja. W nim zaběraja so z wupućowanjom Serbow z Delnjeje Łužicy do Awstralskeje. Hižo wot 17.00 hodź. móža ludžo na městnje wječereć. Za to měli sej zajimcy hač do najpozdžišo dwaj dnjej do předstajenja jědź wuzwolić a w dźiwadle skazać, telefonisce pod číslom (0 35 91) 58 42 25 abo z mejlku na [service@theaterbautzen.de](mailto:service@theaterbautzen.de). Link k dalším městnam, hdžež kruch pokazaja, je pod [www.posol.de](http://www.posol.de) podaty.

## **Šola z Münstera w Klóštrje**

We wobłuku chóroweje jězby wuhotuje šola wosady swjateho Mikławša z Münstera njedźelu, 19. oktobra, w 16.30 hodź. w klósterskej cyrkwi w Pančicach-Kukowje nyšpor knježnow. Zaklinča łaćonske, jendźelske a němske chwalospěwy. Na klawěrje a piščelach zahraje Feliks Brojer. Cyłkowny nawod změje Thorsten Schwarte. Šola wobsteji runje 25 lět.

## **Serbske kemše w Drježdžanach**

Drježdžanscy Serbja – wosebje tež młodži – su na maćernorěčnu Božu mšu njedźelu, 19. oktobra, w 16.00 hodź. do cyrkwy swjateho Antonija na Bünauskej 10 prošeni. Přizamknje so bjesada ze swačinu.

## **Nazymski koncert Lipy a Lipkow**

Chór Lipa a Lipki, džěci spěwarjow chóra, wuhotuja njedźelu, 19. oktobra, w 16.00 hodź. na žurli hosćenca „Zeleny wěnc“ w Čisku nazymski koncert. Zaklinča znate serbske pěsnički, Korle Awgusta Kocorowe a Handrija Zejlerjowe twórby, moderna popowa hudźba a kaž přeco premjera.

## **Pytaja nawodu bydlenskeho wobłuka**

Dom swjateje Ludmile w Chróscicach poskića wot 1. nowembra njewobmjezowane džěłowe městno nawodnicy abo nawody bydlenskeho wobłuka. Tydženski džěłowy čas wučinja 30 do 35 hodźin. Nadrobniše informacije poda nawodnica Mónika Wencłowa, telefonowe číslo (03 57 96) 94 73 30.

## **Jiří Mudra a jeho słownik**

Wo aktualnym stawje nastawaceho hornjoserbsko-čěskeho słownika, kiž bu wot Jiříja Mudreho (1921–2009) založeny a je wjac hač džesać lět jako torso w jeho zawostajenstwje drěmał, chce Maćica Serbska informować. K tomu přeprošuje na zřadowanje, kotrež budže wutoru, 21. oktobra, wot 19.00 do 20.30 hodź. na žurli Budyskeho Serbskeho domu. Referenća budu Katja Brankačkec, Michal Škrabal a Pavel Vondříčka. Mjez druhim póndže wo to, kotru hódnotu wot Jiříja Mudreho nazběrany material tež zwonka řešespytneho džěla ma.

## **Džeń wotewrjenych duri**

Spěchowanska šula swjateho Jana w klóštrje Marijinej hwězdze w Pančicach-Kukowje přeprošuje na džeń wotewrjenych duri. Tón budže sobotu, 25. oktobra, wot 15.00 do 17.00 hodź. Zdobom wotewru Dom swjateho Benedikta na Chróšćanskej 7 w Pančicach-Kukowje.